

25/03/1997

Mahathir lawat Kedah 12 April

ALOR STAR, Isnin - Perdana Menteri, Datuk Seri Dr Mahathir Mohamad akan mengadakan lawatan sehari ke Kedah pada 12 April ini bagi meninjau beberapa projek di negeri ini.

Dalam lawatan itu, Dr Mahathir dijangka melawat pusat penyembelihan dan pengedaran daging korban di Kompleks Jihad Membasmi Kemiskinan di Paya Pahlawan, Kubang Pasu.

Selain itu, Dr Mahathir mengadakan pertemuan dengan nelayan di Kuala Kedah bagi meninjau kehidupan mereka di kawasan yang dicadang untuk dibangunkan semula sebagai kawasan petempatan baru yang lengkap.

Menteri Besar, Datuk Seri Sanusi Junid, berkata Perdana Menteri juga akan menghadiri taklimat mengenai projek menambak laut sepanjang 100 kilometer di kawasan 500 meter dari pantai, di negeri ini.

Selain Dr Mahathir, Timbalan Perdana Menteri, Datuk Seri Anwar Ibrahim juga akan mengadakan lawatan sehari di Kedah, Ahad ini bagi meninjau projek penyembelihan dan pengedaran daging korban.

(END)